

**PROGRAM RADA**  
**KOORDINACIONOG ODBORA CENTRALNIH HARMONIZACIJSKIH**  
**JEDINICA U BOSNI I HERCEGOVINI**  
**ZA 2022. GODINU**

**Januar 2022. godine**

## SADRŽAJ

|   |   |
|---|---|
| 1. UVOD .....   | 3 |
| 2. RAD KO CJH U 2021. GODINI .....  | 4 |
| 3. PROGRAM RADA KO CJH ZA 2022. GODINU.....                                 | 4 |
| 3.1. Aktivnosti KO CJH iz oblasti finansijskog upravljanja i kontrole ..... | 5 |
| 3.2. Aktivnosti KO CJH iz oblasti interne revizije .....                    | 5 |
| 4. ODRŽAVANJE SJEDNICA KO CHJ U 2022. GODINI .....                          | 6 |

## 1. UVOD

Na osnovu čl. 2. stav (13) i 28. stav (2) Zakona o internoj reviziji institucija Bosne i Hercegovine ("Službeni glasnik BiH", broj: 27/08 i 32/12), člana 6. Zakona o internoj reviziji u javnom sektoru Federacije Bosne i Hercegovine ("Službene novine Federacije BiH", broj: 47/08 i 101/16) i člana 6. Odluke Narodne skupštine Republike Srpske, broj: 01-1012/10 ("Službeni glasnik RS", broj: 72/10) uspostavljen je Koordinacioni odbor centralnih jedinica za harmonizaciju (u daljem tekstu: KO CJH).

KO CJH čine tri člana:

- a) Rukovodilac CJH Ministarstva finansija i trezora BiH,
- b) Rukovodilac CHJ Federalnog ministarstva finansija i
- c) Rukovodilac CJH Ministarstva finansija Republike Srpske.

Poslovnikom o radu KO CJH (u daljem tekstu: Poslovnik o radu), koji je usvojen na sjednici KO CJH održanoj u Banjoj Luci, 24.01.2011. godine, bliže su uređene nadležnosti, funkcioniranje i organizacija KO CJH.

KO CJH je osnovan sa zadatkom odobravanja okvirnih propisa iz područja javne interne finansijske kontrole, sa ciljem njihovog usaglašavanja sa međunarodno priznatim principima upravljanja i standardima javne interne finansijske kontrole na nivou cijele BiH, koji će služiti kao polazna osnova svakog nivoa vlasti u izradi i usvajanju njihovih vlastitih propisa iz područja javne interne finansijske kontrole.

U ostvarivanju svojih ovlaštenja i odgovornosti iz područja javne interne finansijske kontrole, KO CJH odobrava:

- a) okvirnu strategiju razvoja funkcije interne revizije u javnom sektoru BiH,
- b) okvire primarne i sekundarne regulative iz područja interne revizije i finansijskog upravljanja i kontrole,
- c) standarde i kodeks etike interne revizije i interne kontrole, koji su zasnovani na međunarodno priznatim standardima,
- d) okvirne smjernice i metodologiju rada za područje interne revizije, koje su zasnovane na dobrim praksama drugih zemalja,
- e) okvirni program obuke za certifikaciju internih revizora i program za polaganje u cilju sticanja zvanja ovlaštenog internog revizora.

## 2. RAD KO CJH U 2021. GODINI

Aktivnosti KO CJH u 2021. godini bile su uslovljene epidemiološkom situacijom izazvanom pandemijom korona virusa. U 2021. godini održano je 12 sjednica Koordinacionog odbora centralnih jedinica za harmonizaciju. U skladu s ograničenjima u putovanjima, kao i ograničenjima na radnim mjestima članova KO CJH, tri sjednice održane su u sjedištu CHJ MFIT BIH, a devet sjednica održano je online, putem Zoom platforme.

Na održanim sjednicama KO CJH je usvojio Programa rada za 2021. godinu, Izvještaj o izvršenju budžeta KO CJH za 2020. godinu, donio Odluku o budžetu KO CJH za 2021. godinu, te je izvršena rotacija predsjedavanja KO CJH. Značajan broj sjednica KO CJH bio je posvećen razmatranju aktivnosti koje se realizuju kroz projekat Unapređenje javnih internih finansijskih kontrola u Bosni i Hercegovini. U saradnji s Projektom KO CJH je u 2021. godinu organizovao konferenciju o internoj reviziji i konferenciju o finansijskom upravljanju i kontroli u javnom sektoru u BiH.

Iz epidemioloških razloga konferencije iz oblasti finansijskog upravljanja i kontrole i interne revizije održane su online, u formi webinara.

## 3. PROGRAM RADA KO CJH ZA 2022. GODINU

Donošenje godišnjeg programa rada propisano je članom 4. Poslovnika o radu KO CJH s ciljem efikasnog i odgovornog ostvarivanja njegovih nadležnosti. Program rada sadrži najznačajnije aktivnosti i zadatke koje KO CJH realizuje tokom godine.

Program rada KO CJH za 2022. godinu planira se i provodi u skladu sa važećim propisima iz oblasti javnih internih finansijskih kontrola na svim nivoima vlasti (BiH, FBiH i RS), kao i u skladu sa strateškim dokumentima i akcionim planovima u kojima su utvrđene aktivnosti i prioriteti centralnih harmonizacionih jedinica vezani za njihovu operativnu realizaciju. Takođe, programom rada planira se unapređenje i harmonizacija sistema upravljačke odgovornosti i sistema unutrašnjih kontrola u skladu sa preporukama Generalne direkcije za budžet EK i SIGMA-e.

S obzirom na to da je trajanje projekta Unapređenja javnih internih finansijskih kontrola u Bosni i Hercegovini, koji finansira Evropska komisija, produženo do 29.05.2022. godine, završne aktivnosti na projektu koordinisaće i KO CJH.

Shodno navedenom, u skladu sa datim nadležnostima, KO CHJ u 2022. godini planira realizaciju sljedećih aktivnosti:

### **3.1. Aktivnosti KO CJH iz oblasti finansijskog upravljanja i kontrole**

Aktivnosti KO CJH iz oblasti finansijskog upravljanja i kontrole u 2022. godini proističu iz važećih zakonskih i podzakonskih propisa i Poslovnika o radu KO CJH i biće fokusirane na sljedeće:

- Razmatranje postojeće regulative iz oblasti finansijskog upravljanja i kontrole, te usaglašavanje okvirnih dokumenata u vezi sa eventualnim izmjenama zakona i podzakonskih akata;
- Praćenje provođenja zakonske regulative i politika iz oblasti finansijskog upravljanja i kontrole, sa posebnim akcentom na provjeru kvaliteta finansijskog upravljanja i kontrole u javnom sektoru;
- Informatizacija mape poslovnih procesa i registra rizika, te informatizacija izvještavanja iz oblasti finansijskog upravljanja i kontrole;
- Organizacija obuka i pilot aktivnosti iz oblasti finansijskog upravljanja i kontrole u okviru projekta Unapređenje javnih internih finansijskih kontrola u Bosni i Hercegovini;
- Organizacija godišnje konferencije iz oblasti finansijskog upravljanja i kontrole u okviru KO CJH.

### **3.2. Aktivnosti KO CJH iz oblasti interne revizije**

Aktivnosti koje KO CJH planira provoditi u 2022. godini iz oblasti interne revizije proističu iz važećih zakonskih i podzakonskih propisa i Poslovnika o radu KO CJH i biće fokusirane na sljedeće:

- Razmatranje postojeće regulative iz oblasti interne revizije, te usaglašavanje okvirnih dokumenata u vezi sa eventualnim izmjenama zakona i podzakonskih akata;
- Praćenje provođenja zakonske regulative i politika iz oblasti interne revizije, s akcentom na unapređenje metodologije rada internih revizora te ocjenu kvaliteta rada interne revizije u javnom sektoru;
- Informatizacija alata za internu reviziju i informatizacija izvještavanja iz oblasti interne revizije;
- Organizacija obuka iz interne revizije u okviru projekta Unapređenje javnih internih finansijskih kontrola u Bosni i Hercegovini;
- Organizacija godišnje konferencije iz oblasti interne revizije u okviru KO CJH.

**4. ODRŽAVANJE SJEDNICA KO CHJ U 2022. GODINI**

U skladu sa članom 8. st. (1) i (4) Poslovnika o radu, sjednice KO CHJ će se održavati najmanje jednom mjesečno, naizmjenično, dvije u Sarajevu i jedna u Banjaluci, odnosno korištenjem Zoom platforme u skladu sa Poslovníkom o radu KO CJH.

Planirani termini održavanja sjednica KO CJH, za period januar – decembar 2022:

| REDNI BROJ SJEDNICE | DATUM ODRŽAVANJA SJEDNICE | MJESTO ODRŽAVANJA SJEDNICE |
|---------------------|---------------------------|----------------------------|
| 1.                  | Januar 2022.              | Sarajevo                   |
| 2.                  | Februar 2022.             | Banja Luka                 |
| 3.                  | Mart 2022.                | Sarajevo                   |
| 4.                  | April 2022.               | Sarajevo                   |
| 5.                  | Maj 2022.                 | Banja Luka                 |
| 6.                  | Juni 2022.                | Sarajevo                   |
| 7.                  | Juli 2022.                | Sarajevo                   |
| 8.                  | Avgust 2022.              | Banja Luka                 |
| 9.                  | Septembar 2022.           | Sarajevo                   |
| 10.                 | Oktobar 2022.             | Sarajevo                   |
| 11.                 | Novembar 2022.            | Banja Luka                 |
| 12.                 | Decembar 2022.            | Sarajevo                   |

Zbog aktuelne epidemiološke situacije, biće razmotreno održavanje sjednica i putem dostupnih web platformi.

Broj: KO-01/22

31. 01.2022. godine

PREDSJEDAVALJUĆI KO CJH

Ranko Šakota

